



Мұштанова Дариға Ғазезқызы (13.03.1954 ж.т. Казталов ауданы, Киров ауылы) - айтыскер, ақын. 17 жасынан ақындар айтысына қатысып, облыстық және республикалық деңгейдегі өнер сайысына қатысқан. Бірнеше өлең топтамалары мен әндердің авторы. 1977 жылы Орал педагогикалық институтының филология факультетін бітірген соң қазіргі Казталов ауданы Көктерек орта мектебінің мұғалімі ретінде еңбек жолын бастады. 1977-1979 жж. Кейін ауыл

клубының меңгерушісі, аудандық газет редакциясында тілші, аудандық партия комитетінде нұсқаушы, аудандық атқару кеңесі төрағасының орынбасары 1980-1992 жж. Қазіргі уақытта Теректі лингвистикалық гимназиясының директоры.



Қабиева Баян Құбайқызы (14.09.1954 ж.т., Казталов ауданы, Қарасу ауылы) - ақын, сазгер, термеші, әнші. Облыста тұңғыш терме класын ашты. 1971 жылы Фурманов орта мектебін бітіріп, Алматы эстрадалық студиясының «Халық әндері» бөліміне оқуға түседі, Қаз ССР-нің халық әртісі Ғ.Құрманғалиевтан дәріс алды. 1988 жылы Қабиевтер жанұялық ансамблін құрып, 1988-1990 жылдары өткен отбасылық ансамбльдердің байқауында "бас жүлдеге" ие болса, 1993 жылы

Павлодар қаласында өткен республикалық жанұялық ансамбльдер байқауында II орын алып "лауреат" атанды. 2013 жылы 9 желтоқсандағы Қазақстан президентінің жарлығымен білім беру саласындағы еңбегі үшін «Ерен еңбегі» медалімен наградталған. Күні бүгін 60-қа жуық әні бар. «Баянның әндері-ай» атты әндер жинағы екі рет басылымда болды. Қазіргі уақытта Жалпақтал өнер мектебінде саз бөлімі терме сыныбының жоғарғы санатты ұстазы.

## «Тереңкөлім»

әні мен сөзін жазған С.Ғаббасов

1. Балалық шақ күндерді аңсаймын мен  
Еске аламын толғанып күн сайында  
Сағынғанда бір аунап қайтсам деймін  
Топырағына ауылым Нұрсайымның

Қайырмасы:

Әнімде сен, жырымда, өлеңімде  
Алыс жүрсем көңілім елендейді  
Сағындым туған жер топырағымды  
Армысың Тереңкөлім

2. Өнге қосып көл менен ел есімін  
Көлді аралап серуендеп келетінбіз  
Сырласу мен ұзақ түн жүруші едік  
Жарасымды арайлы бөгетімнің

Қайырмасы:

Әнімде сен, жырымда, өлеңімде  
Алыс жүрсем көңілім елендейді  
Сағындым туған жер топырағымды  
Армысың Тереңкөлім

3. Нұрсайымның нұрланған аспаны бар  
Өнегелі өнерлі жастары бар  
Куә болсын жалынды жас шағыма  
Куә болсын бірге өскен достарыма



Габбасов Серік – 9.02.1961 ж.т., Казталов ауданы, Тереңкөл ауылы). 1968 жылы Тереңкөл орта мектебінде оқып, 1978 жылы бітірді. 1978-1979 жылдары «УралПромСтройда» 2 жыл жұмыс жасайды. 1982 жылы қаңтар-мамыр айлары «Автошколада» оқып, 25-55 автошколында қызмет еткен. 1983-1984 жылдары «Желаев ДПТ-да» ЗИЛ айдаған. Шымкент қаласында «Горнометаллургия» факультетін сырттай оқыған. 1984 жылдан бастап қазіргі уақытқа дейін 25 жыл «Водстройда» қызмет етіп келеді. Серік 3 жасынан домбыра тартып сахнаға шығып, 5 жасында әкесімен сахнада күй тартқан. 5 сынып оқып жүргеннен бастап, өлең шығара бастаған. Ең алғаш шығарған өлеңдері «Анама», «Әкешім», «Туған жер», «Құрдастар», «Таныстыру». Серік өлең жазумен қатар әнінде шығыра бастады «Тереңкөлім», «Нұрсай вальсі», «Казталовка – мақтанышым сен менің», «Оралым – батыр қалам», «Ағама», «Биле жеңге», «Сағындым әкешімді», «Досыма» (марқұм досы Тасболатов Ерғалиға) т.б әндердің авторы.

## «Ауыл бар атты – Ақпәтер»

сөзін жазған Д. Мұштанова

әнін жазған Б. Қабиева

1. Ауыл бар атты – Ақпәтер,  
Аңқыған алма баққа кел.  
Балықты көлін жағалап,  
Маржанын жырдың тап та тер.

Қайырмасы:

Көңілді торлап жалқы мұң,  
Шаршатса келіп ал тыным.  
Ақпәтер атты ауыл бар,  
Жандары сұлу халқымның.

2. Қырқада әсем дөңгелеп,  
Сезімге серпін дем беред.  
Ауыл бар атты – Ақпәтер,  
Жаныңа болса ем керек.

Қайырмасы:

Зерделі ауыл, зерлі ауыл,  
Еңбекті ауыл, ерлі ауыл.  
Сәулетті ауыл, сән ауыл,  
Ажарлы ауыл, ән ауыл.



Карабалина Сәуле Зайдағалиқызы - (11.11.1963 ж.т., Казталов ауданы, Әжібай ауылы). 1981 жылы Бірік орта мектебін бітірген. 1987 жылы А. С. Пушкин атындағы Орал педагогикалық институтының жаратылыстану факультетін бітірген. С. Карабалина аудандық пионерлер үйінің директорынан білім саласында инспектор, әдіскер, директордың оқу ісі жөніндегі орынбасары, аудандық комсомол комитетінің екінші хатшысы, аудан әкімшілігінің референті.

2004-2009 жылдар арасында Казталов аудандық мәдениет, тілдерді дамыту бөлімінің бастығы қызметтерін атқарған. 2009 жылдан күні бүгінге дейін БҚО мәдениет, архивтер және құжаттама басқармасының әкімшілік бөлімінің басшысы лауазымына ауыстыру тәртібімен жұмысқа орналасқан. 2013 ж. Қазақстан Республикасының Мәдениет және Ақпарат министрлігінің «Мәдениет саласының үздігі» төсбелгісімен, 2015 ж. «ҚР Конституциясына 20 жыл» және «Қадыр Мырза әлі» медальдарымен наградталған.



Қасиетова Гүлбаршын Ғұмарқызы – (1956 ж.т., Казталов ауданы Әжібай ауылы) – әнші, сазгер. 1973 жылы Бостандық орта мектебін бітіріп 1973 – 1974 жылдары аудандық мәдениет үйінде нұсқаушы болып жұмыс істегенде С. Садыковпен қызметтес болған. 1974 – 1977 жылдары Ақтөбе мәдени ағарту училищесін оқып, 1977 жылдан бастап Жалпақтал мәдениет үйіне әдіскер болып қызмет атқарады. 1989 жылдан бастап ән шығара бастайды. «Көңіл толқыны» атты әндер

жинағының авторы. 1977 – 1987 ж.ж өткен Бүкілодақтық көркемөнерпаздар фестивалінің лауреаты. 1991 жылы Павлодар қаласында өткен «Майра» атындағы әнші сазгерлер байқауының лауреаты 3 орын, 2001 жылы Алматы қаласында «Майра» атындағы Халықаралық конкурстың дипломанты. Әнші, сазгер ретінде 40 шақты әндері бар. Қазіргі уақытта Зеленов ауданының «Достық» мәдениет үйінде «Ақниет» әжелер ансамблінің құрып жетекшілік етуде.

## «Талдықұдық – туған жер»

сөзін жазған Н. Нуфтуллина

әнін жазған С. Шналиев

1. Тереңде сыры жатқан шежірелі,  
Тыңменен көтерілген іргелі елім.  
Ауылым – алтын бесік – Талдықұдық,  
Қадірлі, қасиетті туған жерім.

Қайырмасы:

Тарихы тұнған өлке,  
Бақ – дәулет қонған өлке,  
Туған жер – Талдықұдық, Талдықұдық.  
Киелі атамекен,  
Жырыма арқау етем,  
Туған жер – Талдықұдық, Талдықұдық.

2. Оты мол, шөбі шүйгін ен даланы,  
Қазақтың ақ бас малы жайлағанды.  
Ақтылы қой өсіріп, жылқы баққан,  
Аға ұрпақ еңбектері бағаланды.

Қайырмасы:

Сағынып сені аңсағам,  
Оралып келем саған,  
Туған жер – Талдықұдық, Талдықұдық.  
Самалың жұпар екен,  
Мен саған құштар екем,  
Туған жер – Талдықұдық, Талдықұдық.

3. Көктемде құстар келіп дамылдаған.  
Көрікті Балықты мен дархан далам.  
Сыбырлап, сыбдыр қағып, бал құрағы.  
Қорғаған тіршілікті тарылмаған.

Қайырмасы:

Мен саған еркеледім  
Сен мені ертеңім де,  
Туған жер – Талдықұдық, Талдықұдық.  
Сырына үңілермін  
Туған жер – Талдықұдық, Талдықұдық.



Нұфтуллина Назерке Ибрагимовна – (28.01.1994 ж.т., Казталов ауданы, Талдықұдық ауылы) 2000 – 2006 жылдар аралығында Талдықұдық ауылындағы С. Есетов атындағы орта жалпы білім беретін мектепте оқыған. 2006 – 2012 жылдар аралығында дарынды балаларға арналған С.Сейфуллин атындағы №11 обыстық мектеп-интернат кешенінде білімін жалғастырып, 2012 жылы оны “Алтын белгімен” бітірген.

2012 жылы аталған мектепті бітірген соң, Қазақстан-Британ техникалық университетіне Автоматтандыру және басқару мамандығына оқуға түсті. 2016 жылы аталған оқу орнында бакалавр дәрежесін алған соң, Қ.И.Сатпаев атындағы қазақ ұлттық техникалық зерттеу университетіне Автоматтандыру және басқару мамандығының магистратура бөліміне оқуға түсті. Бүгінгі таңда осы оқу орнының академиялық ұтқырлық бағдарламасы бойынша Италияда Турин политехникалық университетінің Компьютерлік инженерия кафедрасында білім алуда.



Шналиев Сағат Ұзақбайұлы – 1961 ж.т., Казталов ауданы, Талдықұдық ауылы, Таскүтір бөлімшесі). 1968 жылы Талдықұдық орта мектебінде оқып, 1978 жылы мектепті аяқтады. 1980 жылы Орал қаласының мәдени – ағарту училищесінің студенті атанып, 1983 жылы аяқтап шығып, Талдықұдық мәдениет үйіне өзінің мамандығы бойынша жұмысқа орналасты. 1989 жылы отау құрып, жұмыс бабымен Орал қаласына қоныс аударды. Қазіргі кезде БҚО-ның филармониясында қызмет етеді.

## Ауылым - Әжібайым

сөзі: Сәуле Карабалинаникі

әні: Гүлбаршын Қасиетованикі

Көк май - са бел-де - рің - мен сү - лу - лан - ған,

10 Жа - зи - ра кең ал - қап - ты дар-хан да - лам

19 Са(р)ы ө - зен са-я-сын - да Ә-жі-ба - йым, Ту - ған

29 жер, сыр-лы өл - кем, қым-бат ма - ған Жы - лы жүз - бен

39 қа - уыш - қан, жа - ны жаз-дай а - уы - лым. А - лыс кет-сем са - ғы - нып,

49 Аң - сап жет - кен а - уы - лым.

### «Ауылым – Әжібайым»

сөзін жазған С. Карабалина

әнін жазған Г. Қасиетова

1. Көк майса белдеріңмен сұлуланған ,  
Жазира кең алқапты дархан далам.  
Сарыөзен саясында Әжібайым,  
Туған жер,сырлы өлкем,қымбат маған.

Қайырмасы:

Жылы жүзбен қауышқан,  
Жана жаздай ауылым.  
Алыс кетсем сағынып,  
Аңсап жеткен ауылым.

2. Жаныма ыстық маған сағым қырың,  
Сыр шертсем таныс білем саған мұным.  
Балалық балғын дәурен өткен сәтті,  
Еске алсам,өскен ортам сағындырдың.

Қайырмасы:

Жылы жүзбен қауышқан,  
Жана жаздай ауылым.  
Алыс кетсем сағынып,  
Аңсап жеткен ауылым.

3. Есімде самал есіп өбкен лебің,  
Ғажайып нұр сәулесін төккен елім.  
Көркейіп күннен күнге гүлдене бер,  
Жүректен мәңгі өшпейтін туған жерім.

### «Талдыапаным менің!»

сөзін жазған Ж. Зұлқашқызы

әнін жазған Т. Қажымұратұлы

1. Талдыапаным туған жерім аңсаған,  
Перзентіңмін ел сенімін ақтаған.  
Елу жылдық тойыңменен құттықтап,  
Жүрегімнен жыр жазамын мен саған

Қайырмасы:

Талдыапаным жайнаған,  
Көрікті елге айналған.  
Елу жылда жаңарып,  
Тойын бүгін тойлаған.

2. Талдыапаным ата қоныс мекенім,  
Алыс кетсем сағынамын жетемін.  
Шабытымның нәрін алып өзіңнен,  
Қайда жүрсем саған тағзым етемін.

Қайырмасы:

Талдыапаным жайнаған,  
Көрікті елге айналған.  
Елу жылда жаңарып,  
Тойын бүгін тойлаған.

3. Сан жарыста оза шауып ерледің,  
Еш уақытта қолдан намыс бермедің.  
Атың сенің одаққа да танымал,  
Шығардың сен талай еңбек ерлерін.



Жұмабике Зұлқашева Зұлқашқызы – (1936 – 1996 ж.т., Казталов ауданы, Талдыапан ауылы) Еңбек жолын 1959 жылы Тасқала ауданы ҚазақССР – іне 40 жыл атындағы мектепте физика пәнінің мұғалімі болып бастайды. 1963 жылдан Казталов ауданы Талдыапан орта мектебінде зейнет жасына дейін еңбек етеді. Педагогтық іс – тәжірибелері республикалық, облыстық баспасөз беттерінде жарық көрген. Жұмабике Зұлқашқызы шығармашылықпен қызмет етуші оқытушылардың І облыстық слетінің жеңімпазы, ҚазақССР –і ВДНХ–ң ІІ дәрежелі диплом иегері. 1970 жылы ҚазақССР – і халық ағарту ісінің озық қызметкері белгісі, 1977 жылы «Ерен еңбегі үшін» - медалі, 1978 жылы «Аға оқытушы» атағы, 1987 жылы ССР ағарту ісінің грамотасымен марапатталған.



Қажымұратов Тілепберген Хабақайұлы – 15.08.1945 ж.т., Орда ауданы, Орда ауылы) 1953 жылы Фурманов № 28 жылқы зауытының № 3 Бейстерек бөлімшесіне қоныс аударды. 1965 жыл Фурман орта мектебің 11 сынып бітіріп шықты. 1967 жылы Ақтөбе Республикалық мәдени – ағарту училищесіне түсіп, 1969 жылдың желтоқсан айында «Қазақ ұлт – аспаптар оркестрінің жетекшісі» мамандығы бойынша бітіріп шыққан. 1970 – 1972 жылдары жолдамамен Жымпиты қазіргі Сырым ауданында, аудан орталығындағы мәдениет үйінде, көркемөнерпаздар жетекшісі, одан кейін мәдениет үйінің директоры болып қызмет атқарған. 1972 жылы Жалпақтал ауданының Талдыапан кеңшарында алдымен бастауыш комсомол ұлтының хатшысы, қазан айынан бастап клуб меңгерушісі қызметін атқарған. 1974 – 2000 жылдары Талдыапан мәдениет үйінің директоры болып қызмет атқарған. Қажымұратов Тілепберген осы қызмет істеген жылдары бірнеше дүркін облыстық аудандық көркемөнерпаздар байқауының лауреаты атанып, көптеген құрмет грамоталарымен наградталған. 2014 жылдың қараша айында дүниеден озған.



Сүлейменов Серікжан Бақсиқұлы (1958 ж.т., Казталов ауданы Бостандық ауылы) – айтыскер, ақын. 1975 жылы Казталов орта орыс мектебін, 1981 жылы Орал педогтқалық институтын бітірді. Мамандығы – ағылшын тілі пәнінің мұғалімі. Өлеңдері, ағылшын, орыс тілдерінен аудармалары облыстық, аудандық басылымдарда жарияланған. Аудандық, облыстық ақындар айтыстарына қатынасты. Қазіргі уақытта Қайыңды ОЖББМ директоры.



Нығметов Нұрлан Серікұлы (19.01.1955 ж.т., Казталовка ауданы, Казталовка ауылы) – сазгер. Мектепті бітірген соң 1972 – 1979 жылдар аралығында Құрманғазы атындағы Орал мемлекеттік музыка училищесінің арнайы фортепиано бөлімінде оқып, балалар музыка мектебінің оқытушысы және концертмейстер деген мамандық алып шықты. Жұртшылыққа кеңінен танымал көптеген әндердің авторы. Екі дүркін Бүкіл Одақтық Халық шығармашылығы фестивалдерінің лауреаты. Аудандық «Кешкі әуен» вокалды инструменталды ансамблінің көркемдік жетекшісі және «Жадыра» ойын-сауық отауының белді мүшесі болды. «Тәуелсіздік жыры», «Мен қазақпын», «Ақ Жайық», «Туған өлке», «Ауданым әнім», «Казталовка вальсі», «Бостандығым», «Қайыңды вальсі», «Мектебім әнім», «Мектеп вальсі», «Саз мектебі», «Ұстазға», «Ұланымыз ұлы елдің», «Ақжелкен арман», «Тырнарлар», «Сыйқырлы саз» т.б. әндері облыс және аудан көлемінде айтылып, көпшілік көңілінен шығып жүр. Қазіргі уақытта Казталов балалар саз мектебінде фортепиано сыныбының жоғары санатты оқытушы.



## Бостандығым

сөзі: Серікжан Сүлейменов

әні: Нұрлан Нығметовтікі



1. Туған жерім жүрек толқи сағынар,  
Көктерегім сай саламыз тағы бар.  
Шекаралас Ресейменен дос болған,  
Жаксы адамдар осы жерден табылар.

Қайырмасы:

Қошанкөлім көркейсінші жайқалсын  
Балығы көп Сарыөзенін айтарсың.  
Сағынышпен келсең ғана ауылға,  
Қошанкөлден қуат алып қайтарсың.

2. Ақын, батыр, данышпандар елімнің,  
Батасын алған өзіп туған жерінің.  
Қазақ елі ірге тасын қалайтын,  
Осы ауылдан табылады сенімің.

Қайырмасы:

Қошанкөлім көркейсінші жайқалсын  
Балығы көп Сарыөзенін айтарсың.  
Сағынышпен келсең ғана ауылға,  
Қошанкөлден қуат алып қайтарсың.

3. Мұражайы тұңғыш рет ашылған,  
Тұсау кесіп алғаш шашу шашылған.  
Ата баба жылқы атауын қастерлеп,  
Сәйгүлік деп мөртаңбасы басылған.



Бигалиев Арман Маратұлы – (10.17.1978 ж.т., Казталов ауданы, Қошанкөл ауылы) 1995 – 2003 жылы М. Өтемісов атындағы Батыс Қазақстан Мемлекеттік Университетін музыка мамандығы бойынша, 2005 – 2007 жылы КАЗИИТУ заңгер мамандығы оқуын бітіреді. 2013 жылы Біріккен ұлттар ұйымының жанынан құрылған «Бейбітшілік әлемі» Халықаралық Қазақ Творчестволық Бірлестігінің бұйрығымен Халықаралық Бизнесмендер одағының мүшесі, 2013 жылы Халықаралық орден «Құрмет белгісі», 2013 жылы «Бейбітшілік әлемі» Халықаралық Қазақ Творчестволық Бірлестігінің «Мәдениет майталманы» медалымен марапатталады. 2015 жылы ҚР мәдениет министрлігінің бұйрығымен «Бигалиевтер» ансамблі Халықтық атағы берілді.

## Қошанкөлім

әні мен сөзі А. Бигалиевтікі

Ту-ған же-рім жү-рек тол-қи са-ғы-нар, Көк-те-ре-гім сай са-ла-мыз та-ғы бар.

Ше-ка-ра-лас Ре-сей-ме-нен дос бол-ған Жақ-сы(а)дам-дар осы жер-ден

та-бы-лар. Қо-шан-кө-лім көр-кейсін-ші жай-қал-сын, Ба-лы-ғы көп

Сары(ө)-э-нін ай-тар-сын. Са-ғы-ныш-пен кел-сеңға-на ау-ыл-ға

Қо-шан-көл-ден қу-ат а-лып қай-тар-сын.

## «Бостандығым»

сөзін жазған С. Сүлейменов

әнін жазған Н. Нығметов

1. Көлің шабын, қырда жусан, бетеге,  
Сарыөзенім, саған өзен жете ме?  
Суда балық, көкте құстар, жерде мен,  
Қуанбаймын, шаттанбаймын бекерге.

Қайырмасы:

Бостандығым – ата-қоныс киелі,  
Кіндік кескен жеріме бас иемін.  
Туған жерім, қуанамын кей уақыт,  
Сенде жүріп өмір сүрген бір бақыт.

2. Ер Махамбет жүріп өткен қырларың,  
Әттімбет пен Зейнеп оба сырларын.  
Сан ғасырлық құпиянды аша алмай,  
Қарыздар боп жүрміз ұл мен қыздарың.

Қайырмасы:

Бостандығым – ата-қоныс киелі,  
Кіндік кескен жеріме бас иемін.  
Туған жерім, қуанамын кей уақыт,  
Сенде жүріп өмір сүрген бір бақыт.

3. Тұнып тұрған итмұрын мен бүлдірген,  
Қосарал мен Қайыбынды кім білген?  
Қамыс, құрақ, балапан тал тербетіп,  
Жылап келген көңілінді көтерген.





Сүлейменов Әділбек Нәсекенұлы (1955 жылы туған, Казталов ауданы, Қаракөл ауылы) - композитор. Қызылорда педагогика институтының музыкалық факультетін бітірген. 70-тен астам әні бар, олар «Ауыл кеші көңілді» атты ұжымдық жинаққа енген «Әкем-әнім», т.б. Бүкілодақтық 1, 2, 3 – көркемөнерпаздар фестивальдерінің лауреаты, «Жігер» жастар фестивалінің дипломанты. Әділбек Сүлейменов ауыл халқына деген сағынышын әндерімен жеткізіп отырады. Халық сазына айналған «Әкем-әнім» әнінің кейіпкері, Ұлы Отан соғысы және еңбек ардагері, «Қазақ ССР-нің еңбек сіңірген және Қаракөл мектебінің алғашқы мұғалімі Нәсекен Сүлейменов» ағамызға арнап ұлы Әділбек ағамыз шағын мұражайын ашып кеткен болатын.

## Қаракөлім

сөзі Боранғали Ырзабаевтікі

әні Әділбек Сүлейменовтікі

Музыкалық ноталар мен сөздер:

Кү-ш-ғың-ды ай-қа-ра аш-қа-ның да, Шал-қып бұл-қып ке-те-мін қас-қа-ғым

Жер-дің қа-ра мең-ін-дей, Қа-ра-кө-лім, Қа-лық-тай-мын ән-бо-лып

қа-лық-тай-мын ән-бо-лып ас-па-ның да. Қа-рай-сың, а-на-кө-лім, Жа-сар-тып да-

ла өң-ін. Қы-зы-ғым, қыз-ғал-да-ғым, ө-зім-нің Қа-ра-кө-лім, ө-зім-нің Қа-ра-кө-

1. 2. 3. а-а-а-а а-а-а-а а-а-а-а

3. Ө-зім-нің Қа-ра-кө-лім ау!

## «Қошанкөл менің ауылым»

сөзін жазған Ж. Сүпушев

әнін жазған Қ. Ақбатыров

1. Сарыөзен бойын жайлаған  
Қошанкөл-менің ауылым,  
Өзіңе жіпсіз байлаған.  
Армысың асыл қауымым.

Қайырмасы:

Қырмызы гүлі қырларым,  
Арналды саған жырларым.  
Өзіңмен ғана бөлісер,  
Жүректе нәзік сырларым.

2. Көшенді бойлап сәнменен,  
Өткіздік жастық күндерді.  
Тербеуші едік әнменен,  
Көктеректегі түндерді.

Қайырмасы:

Қырмызы гүлі қырларым,  
Арналды саған жырларым.  
Өзіңмен ғана бөлісер,  
Жүректе нәзік сырларым.

3. Жаңғырып уақыт көшімен,  
Көктерек тербер жас талын.  
Ертеңгі Қошанкөлімнің,  
Жалынды жігер жастарым.



Ақбатыров Қадырғали Хасанұлы – (1950 ж.т., Атырау облысы, Сарайшық елді мекені). 1969-1971 жылы Гурьев музыка училищесінде Даярлық курсы бітірген.

1971ж-1973ж Совет Армиясы қатарында.

1973ж-1977ж. Чкалов орта мектебі, Атырау облысы

1977ж-1981ж. Гурьев педагогика институты.

1981ж-1982ж Чкалов орта мектебінің мұғалімі.

1982ж-2011жылдары аралығында Казталов ауданы Қошанкөл ауылы Гали Бигалиев орта мектебі

музыка пәні мұғалімі. 2011ж-2013ж Орал қаласы №40 балабақшада жұмыс атқарып, 2013ж зейнеткерге шығады. 16-ға тарта шығармалары бар.



Супушев Жанболат Нұққалиұлы – (11.01.1969 ж.т., Казталов ауданы, Қошанкөл ауылы)

1976-1986 жылдары Қошанкөл ауылы Гали Бигалиев орта мектебін бітірді. 1987-1989 жылдары әскер қатарында болды.

1989-1993 жылдары Қарағанды педагогика институтын бітірді.

1993-2007 жылдары Гали Бигалиев орта мектебінде мұғалім. 2007-2017 жылдары Орал қаласы № 2

Орта мектебінің мұғалімі.

## «Қаракөлім»

сөзін жазған Б. Ырзабаев

әнін жазған Ә. Сүлейменов

1. Құшағынды айқара ашқаныңда,  
Шалқып балқып кетемін қасқағымда.  
Жердің қара меңіндей Қаракөлім,  
Қалықтаймын ән болып аспаныңда.

Қайырмасы:

Қарайсың ана-көлім,  
Жарасып дала өңің.  
Қызығым, қызғалдағым,  
Өзімнің Қаракөлім.

2. Жасауындай қырманның тауың шоқтай,  
Асауындай қырларың бауыры оттай.  
Сағынышым жиһанды шарласам да,  
Менің үшін өзіндей ауыл жоқтай.

Қайырмасы:

Жағана талай келдім,  
Көркіме арай бердің.  
Көрікті келбетіңе,  
Келеді қарай бергім.




Махамбет Карин – (9.05.1949 ж.т., Казталов ауданы, Фурманов ауылы, Жұлдыз совхозы). Мектеп бітіріп Ақтөбе мәдени ағарту училищесіне оқуға түсіп, аяқтаған. Кейін БҚО Пушкин атындағы институттың тарих факультетін бітірген. Еңбек жолын мәдени қызметкер Фурманов атқару комитетінің ұйымдастыру бөлімінің маманы қызметінен бастаған. 1991 жылы К.Мендалиев атындағы ОЖББМ директоры қызметіне 1994 жылы өнер мектебінің директоры қызметіне тағайындалған. Өнер жолында Жалпақтал Ығылманов атындағы оркестрдің белсенді мүшесі, күйші болды. Сазгер ретінде туған жеріне арналған «Жалпақталым жан жырым» атты әнін жазған.

### Жалпақталым - жан жырым

сөзі Дариға Мұшпанованыкі

әні Махамбет Кариндікі



### «Қошанкөлім – Көктерегім»

әні мен сөзін жазған Ө. Шоқпанов

1. Қошанкөлім Көктерегім саялы  
Самайымнан сыйпар желің аялы,  
Алыс кетіп мен өзіңе келгенде.  
Анамдай боп құшағын кең жаяды.

Қайырмасы:

Қошанкөлім-көктерегім май далам,  
Қырда егін, көлде шөбің, жайқалған.  
Туған жердей болып кеткен мекенім  
Қошанкөлім саған арнап айтам ән.

2. Қошанкөлім-Көктерегім жайнаған,  
Әнші құстар нуыңа кеп сайраған.  
Балалық шақ ораларма бір сәтке  
Көгаліңда асыр салып ойнаған.

Қайырмасы:

Қошанкөлім-көктерегім май далам,  
Қырда егін, көлде шөбің, жайқалған.  
Туған жердей болып кеткен мекенім  
Қошанкөлім саған арнап айтам ән.



Шоқпанов Өтеген Төлепұлы – (1.02.1968 ж.т., Казталов ауданы, Қараөзен селосы). 1975 жылы Казталов ауданы Қошанкөл савхозының Гали Бегалиев атындағы орта мектебіне барып, 1985 жылы 10 жылдықты бітіріп шықты. Сол жылы Теміртау музыка училищесіне домбыра класына оқуға түскен. 1986-1988 жж Кеңес Армиясы қатарында әскерей борышын өтеп келді. Әскер қатарынан келген соң оқуын жалғастырып, 1993 жылы оқуын аяқтап келген. 1993 жылдан


бері Казталов ауданы орталығында музыка мектебі мұғалімі, 2006-2012 жж Алма Оразбаева орта мектебінің музыка пәнінің мұғалімі, 2013 жылдан бері аудандық мәдениет үйінде мәдени шара ұйымдастырушы болып қызмет жасайды.

### Қошанкөлім - Көктерегім

әні мен сөзі Өтеген Шоқпановтікі




Қо-шан кө - лім Көк-те - ре - гім са - я - лы Са - май - ым - нан



си-пар же - лін а - я - лы А - лыс - ке - тіп мен ө - зі - ңе кел - ген - де




А - нам - дай боп кү - ша - ғын кең жа - я - ды Қо - шан - кө - лім



Көк-те - ре - гім бай да - лам Қыр-да е - гін көл-де шө - бің жай - қал -



ға - а - а - ан Ту-ған жер - дей бо - лып кет - кен ме - ке - нім



Қо - шан - кө - лім са - ған ар - нап ай - там ән

### «Жалпақталым – жан жырым»

сөзін жазған Д. Мұштанова

әнін жазған М. Карин

1. Асыр салған балалығым кекілді,  
Әр көшеңнен қарап тұрған секілді.  
Он жетінің сағынышты саздары,  
Самал болып аяланды бетімді.

#### Қайырмасы

Жалпақталым жалын жастық жырларым,  
Жалпақталым жаныма ыстық сырларым.  
Аялы әнім сая бағым,  
Бір сөзінде думаным.

2. Жайсаңдармен жақсылардың елісің,  
Сенен артық бар ма мекен мен үшін.  
Алыс кетсем аңсап келем сағынып,  
Жалпақталым жасыл белес өрісім.

#### Қайырмасы

Жалпақталым жалын жастық жырларым,  
Жалпақталым жаныма ыстық сырларым.  
Аялы әнім сая бағым,  
Бір сөзінде думаным.

3. Келбетінде кемел күннің ізі бар,  
Көктемі күн, жазы жарқын, күзі бар.  
Таңғы ауасы, жанға дауа, Жалпақтал,  
Саған деген жүрегімнің жырын ал.



Сағидолла Нығметов – (1955 ж.т., Жаңғала ауданы) – сазгер. 1977 – 1991 жылы Шымкент қаласындағы Әл-Фараби атындағы педагогикалық мәдени институтын бітірген. 1981 – 1986 жылы Мәдениет үйінің директоры, 1986 – 1992 жылы Аудандық азаматтық қорғаныс штабының бастығы және аудан әкімшілігінің аппаратында іс басқарушы, 1992 – 1995 жылы Ауыл шаруашылығы басқармасының кадрлар бөлімінде қызмет атқарған. «Махаббат мәңгі ән» атты ән жинақ кітабы шыққан. Облыстық және Республикалық «Жастар дауысы» конкурсының дипломанты. Орал қаласында өткен әуесқой сазгерлердің байқауында I орынға ие болған.

### Жалпақталым

әні Сағидолла Нығметовтікі

сөзі Дариға Мұштанованікі

Ту - ған жер - дің гүл - ді көк - те - мі кө - ніл - ге то - лып,  
 Ба - уы - рын - да тү - леп көк - те - дім  
 кеу - де - не ко - нып. Кө - рік - те - ніп  
 жыл - дин жыл - ға жа - сар - ған  
 Та - ри - хың бар дө - уір - мен бір жа - сал - ған  
 Жал - пақ - та - лым се - ні(ан) - сай - ды  
 жү - ре - гім Шал - ғай шық - сам  
 тау - сы - ла - ды та - ға - тым.

### «Әсем ауылым, Қарасу»

сөзін жазған Ә. Қоржықбаев

әнін жазған Б. Даулетов

1. Сапар шексең, туған жердің  
Білесің ғой қадірін.  
Саған теңеу таппай жүрміз,  
Бар жерлестер жабылып.

Қайырмасы:

Ұнамасаң басқаға,  
Емессің ғой асқақ ән.  
Әсем ауылым, Қарасу,  
Балалығым басталған.

2. Жатсадағы көшелерде,  
Шаң тозаңы бұрқырап.  
Саған деген сағыныштан,  
Жүрегімде жыр тұнат.

Қайырмасы:

Ұнамасаң басқаға,  
Емессің ғой асқақ ән.  
Әсем ауылым, Қарасу,  
Балалығым басталған.

3. Топырағыңнан өркен жайған,  
Ұрпақтарың қаншама.  
Ауылымды сағынғанда,  
Әнге салам тамсана.



Даулетов Бейбіт Ерсайынұлы – (22.05.1968 ж.т., Казталов ауданы, Қарасу ауылы) 1975 – 1985 жылдары Қарасу орта мектебінде білім алды. Мектеп бітіргеннен кейін 1985 – 1988 жылдары әскер қатарында болды. 1991 жылы Алматы қаласында гидромелиоративтік техникумына түсіп, оны 1994 жылы бітірді. 2008-2011 жылдары Орал қаласы «Құрманғазы» атындағы саз колледжін сырттай бітірді. 1995 жылдан бастап Қарасу мәдениет үйінде жұмыс жасайды.

Әбубәкір Қоржықбаев (1966 ж.т., Атырау облысы, Махамбет ауданы). 1993 жылы үйленді. Алматы облысы Қапшағай қаласында тұрады. 1994 жылдан бері нақты дерек жоқ.

### Әсем ауылым, Қарасу

сөзі Әбубәкір Қоржықбаевтікі

әні Бейбіт Даулетовтікі

Са пар шексем туған жердің білесің ғой қадірін.

Саған теңеу таппай жүрміз, Бар жерлес тер жабылып.

Ұнама-саң басқаға емес-сің ғой асқақ ән. Әсем аулым

Қара-су, Бала-лығым бас талған. Әсем аулым Қара-су,

Бала-лығым бас талған.

### «Жалпақталым»

сөзін жазған Д.Мұштанова

әнін жазған С.Нығметов

1. Туған жердің гүлді көктемі көңілге толып,  
Бауырыңда түлеп көктедім кеудеңе қонып.

Қайырмасы:

Көріктеніп жылдан жылға жасарған,  
Тарихың бар дәуірмен бір жасалған.  
Жалпақталым сені аңсайды жүрегім,  
Шалғай шықсам таусылады тағатым.

2. Қараөзеннің ерке толқыны көңілімді тербеп,  
Көріктеніп шалқып кең далам ән күйге толған.

Қайырмасы:

Көріктеніп жылдан жылға жасарған,  
Тарихың бар дәуірмен бір жасалған.  
Жалпақталым сені аңсайды жүрегім,  
Шалғай шықсам таусылады тағатым.





Рахимова Дидар Табылдықызы – (1.06.1965 ж.т., Казталов ауданы, Көмекші ауылы) – сазгер. 1988 жылы А.С.Пушкин атындағы Орал педагогикалық институты филология факультетінің қазақ тілі мен әдебиеті бөлімін бітірген. 1988 жылы Жаңажол орта мектебінде қазақ тілі мен қазақ әдебиеті пәні мұғалімі болып бастаған. 1990 – 1991 жылдары Орал педагогикалық пединституты халық ауыз әдебиеті кафедрасының зерттеуші – ізденушісі

болған. 1991 жылдан Жаңажол орта жалпы білім беретін мектебінде қазақ тілі мен қазақ әдебиеті пәні мұғалімі. Жоғары санатты ұстаз.

I деңгейлі мұғалім. Әуесқой сазгердің туған еліне, жеріне арнаған «Ақкөлім», «Жаңажол вальсі» атты әндері бар. Ауданның, ауылдың мәдени-қоғамдық шараларына атсалысып, өнердің, ана тілінің дамуына өзіндік үлесін қосқаны үшін Казталов аудандық мәдениет және тілдер бөлімінің, ауыл әкімшілігінің грамоталарымен, Алғыс хаттарымен марапатталған.

## «Қараөзен- ән өзен»

әні мен сөзін жазған Б. Қабиева

1. Өзіңмен күн сәулесі жарық маған,  
Көгінде шағалаң боп қалықтаған  
Қос аққу айдынында жүзіп жүрсе,  
Бесікте сәбиің боп шалықтағам.

Қайырмасы:

Көрмеп ем Қараөзендей жер жанатын,  
Көк майса даласы да ән салатын.  
Сағынып, аңсап шаршап келгенімде,  
Аймалап самал желі қарсы алатын.

2. Қараймын шұғылаңа күн батқанда,  
Арайдан нұр аламын таң атқанда.  
Далам да маужырасып тыңдай қалар,  
Ғашықтар қосыла кеп шырқатқанда.

Қайырмасы:

Көрмеп ем Қараөзендей жер жанатын,  
Көк майса даласы да ән салатын.  
Сағынып, аңсап шаршап келгенімде,  
Аймалап самал желі қарсы алатын.

3. Қиялым кетсең алыс көктей өрлеп,  
Әндерім жүректерді жүрсін тербеп  
Толқытып Қараөзеннің айлы түні,  
Жұлдыздар жымындаса көңіл сергек.

## Қараөзен-ән өзен

әні мен сөзі Баян Қабиеванікі

Ө - зің - мен күн сәу - ле - сі жа - рық ма - ған,

Кө - гің - де ша - ға - лаң боп қа - лық - та - ған.

Қос - ақ - ку ай - ды - ның да жү - зіп жүр - се,

Ыс - сік - те сә - би - ің боп ша - лық - та - ған.

Көр - меп - ем Қа - ра(ө) - зен - дей жер жа - на - тын,

Көк май - са да - ла - сы да ән са - ла - тын.

Са - ғы - нып, аң - сап шар - шап кел - ге - нім де.

Ай - ма - лап са - мал же - лі қар - сы(а) - ла - тын.

## «Ақкөлім»

әні мен сөзін жазған Д. Рахимова

1. Сен қалайсың өзгеге біле алмадым,  
Биікте тұр биікте күн –арманым.  
Өзіме аян неліктен сүйетінім,  
Мен әйтеуір өзіне жыр арнадым.

Қайырмасы:

Аппақ көлім – Ақкөлім,  
Кеудемдегі ақ гүлім.  
Жанардағы бақ нұрым,  
Жүректегі жан сырым.

2. Сенен бастау алады балалықтың,  
Баспалдағы –мен басқан даналықтың.  
Сенде өстім, даланың қызымын ғой,  
Сүйіп өскен гүлдерін далалықтың.

Қайырмасы:

Аппақ көлім – Ақкөлім,  
Кеудемдегі ақ гүлім.  
Жанардағы бақ нұрым,  
Жүректегі жан сырым.

3. Сенде білдім достардың есімін де  
Сенен таптым жұмбақтың шешуін көп.  
Сенде алғаш жазылып жыр жолдары  
Әлдейледің махаббат бесігі боп.

## «Жаңажол вальсі»

әні мен сөзін жазған Д. Рахимова

1. Жаңажолым-арайлы құт мекенім,  
Баршаға аян еңселі ел екенің.  
Жаңажолым-қойнауы қазынаның,  
Мереке мен ордасы берекенің.

### Қайырмасы

Ал, кане, биле, жалықпа,  
Ән сазы, биік қалықта.  
Жаңажол вальсі, Жаңажол вальсі,  
Жаңажол вальсі, шарықта!

2. Арулардың ақ жүзі алауратқан,  
Бозбаланың жүрегі жалын атқан.  
Ғашықтардың сырларын костағандай,  
Қоңыр самал өседі-ау Ақкөл жақтан.

### Қайырмасы

Ал, кане, биле, жалықпа,  
Ән сазы, биік қалықта.  
Жаңажол вальсі, Жаңажол вальсі,  
Жаңажол вальсі, шарықта!

3. Ақ жүзіміз күлкіге көмкеріліп,  
Кеткендей бір жер-аспан төңкеріліп.  
Арманымыз ұласып армандарға,  
Кел, билейік, екеуміз дөңгеленіп.

## «Туған жерім Қараобам-ай»

сөзін жазған Н. Қаратаев

әнін жазған Қ.Оразбақов

1. Қоңыр жел самал ескен қырат қырдан  
Даласы сырға толған жыр толған  
Құтты мекен туған жерім Қараобам-ай  
Жандары жаралғандай шуақ нұрдан

### Қайырмасы

Арайлы күндерім ай  
Мақпалдай түндерім ай  
Туған жер тал бесігім  
Сенде өсіп гулдедім ай

2. Тұлпарлар тұяғының ізі қалған  
Ғұмардай даналардың сөзі қалған  
Құтты мекен туған жерім Қараобам-ай  
Кешегі бабалардың ізі қалған

### Қайырмасы

Арайлы күндерім ай  
Мақпалдай түндерім ай  
Туған жер тал бесігім  
Сенде өсіп гулдедім ай

3. Келіскен ауылымның көркі қандай  
Жүрейік үміттердің таңын жалғай  
Мақтанайын шаттанайын сенімменен  
Киелі туған жерім Қараобам-ай

## Туған жерім Қараобам-ай

сөзі Нұржан Қаратаевтікі

әні Қажымұқан Оразбақовтікі



Қоңыр жел са-мал ес-кен қы-рат қы-рдан, да-ла-сы сыр-ға толған жыр-ға толған.



Құт - ты ме-кен ту-ған же-рім Қа-ра(о)бам-ай, Жан - дары жа-рал-ға-н дай



шу - ақ нұр-дан А - рай-лы күн-де-рің-ай, Мақ-пал-дай түн-де-рің-ай.



Ту-ған жер тал-бе - сі-гім Сен де(ө)сіп гүл-де-дім-ай. Сен де(ө)сіп гүл-де-дім-ай



Сен - де(ө) - сіп гүл - де - дім - ай.



Ескендиrow Нысанбай – (5.05.1923 ж.т., Казталов ауданы, Бостандық селолық советінің Жаманқала ауылы) Казталов орта мектебін бітірген соң 1938 жылы жазында аудандық оқу бөлімі іргелес аудандағы Фурманов селосындағы педучилишеге жолдамамен жіберілді. II-курсында ақылы оқу туралы қаулы шығып, оқуға

мүмкіншілігі болмай «Ленин» колхозына келіп есепшы қызметін атқарды. 1946 жылы Орал педагогикалық училищесінің сыртқы бөлімінің бітірген. 1949 жылы Березин 7 жылдық мектебіне мектеп директоры қызметін, 1952 жылы қыркүйек айынан бастап аудандық оқу бөліміне мектеп инспекторы қызметін, 1961 жылы Богатырев орта мектебінің директоры қызметін атқарады. 1967 жылы көзінің ауруына байланысты II-топ мүгедектігін алады. Ұзтаздық қызметінен мүгедектігіне байланысты қалып, жергілікті газет тілшісі қызметін атқарады. Отбасында 3 ұл, 2 қыз тәрбиелеген. 2011 жылы қазан айында қайтыс болған.

## Казталовка вальсі

сөзі Нысанбай Ескендіровтікі

әні Нұрлан Нығметовтікі



Каратаев Нұржан Құспанұлы – (20.10.1961 ж.т., Казталов ауданы, Қараоба ауылы). Орал педагогикалық институты бітірген. 1998 жылы «Қазақстан Республикасының Білім және ғылым, денсаулық сақтау министрлігінің Құрмет грамотасы», 2000 жылы «Қазақстан Республикасының білім беру ісінің үздігі», 2006 жылы «Қазақстан Республикасының Білім және ғылым министрлігінің Құрмет грамотасы», 2011 жылы Қазақстан Республикасының Білім және ғылым министрлігі «Ұлттық тестілеу орталығы» грамотасы, 2013 жылы Астана қаласы әкімдігінің грамотасы, 2014 жылы Астана қаласы Білім басқармасының грамотасы, 2014 жылы Астана қаласы Білім басқармасының Алғыс хаты, 2015 жылы Халықаралық «За вклад в развитие образования» медалімен марапатталған. 2008 жылы Есімі Астана қаласы білім қызметкерлері «Алтын қоры» кітабына енгізілген, 2011 жылы «Ыбырай Алтынсарин» төсбелгісі иегері, 2015 жылы Есімі Халықаралық «Лучшие в образовании» атты энциклопедиялық жинаққа енгізілген. Қазіргі кезде Астана қаласының № 60 мектеп-лицейінде қазақ тілі мен әдебиеті пәні мұғалімі болып жұмыс атқаруда.

Оразбақов Қажымұқан Әбдіханұлы – (17.03.1975 ж.т.,) Астана қаласы Мемлекеттік филармониясы, Қазақ халық аспаптар оркестрінің әртісі, сазгер.

### «Қайыңды вальсі»

сөзін жазған А. Айжарыкова

әнін жазған Н. Нығметов

1. Қайыңдының топырағынан жаралдым,  
Бәйшешегі, жусаннан нәр алдым.  
Исі мұрын жаратындай жауқазын,  
Қызғалдағы құлпырады даламның.

#### Қайырмасы

Қайыңды қызғалдақ,  
Жайқалған көк белім,  
Өзіңе ән арнап,  
Сағынып жеткенмін,  
Шалқыған көңілдер,  
Келіндер, көріндер  
Арайлы таңдармен  
Арманға еріндер.

2. Қызыл, жасыл, сары түске боялған,  
Кіндік қаным тамған далам бір арман.  
Сол даламның мен бір ерке қызымын,  
Ауырғанда бал суынан ем алған.

#### Қайырмасы

Қайыңды қызғалдақ,  
Жайқалған көк белім,  
Өзіңе ән арнап,  
Сағынып жеткенмін,  
Шалқыған көңілдер,  
Келіндер, көріндер  
Арайлы таңдармен  
Арманға еріндер.

3. Қайыңдының қызғалдағын құштым мен,  
Шалғынында еркін аунап ес білгем.  
Естен кетпес есейсемде ешқашан,  
Мұндай дала көргенім жоқ еш жерден.

### «Казталовка вальсі»

сөзін жазған Н. Ескендіров

әнін жазған Н. Нығметов

1. Сарыөзен өңірінен орын тепкен,  
Сылдырап Қарасуы жарып өткен.  
Алыстан көзге ыстық көрінетін,  
Таловка тұрған жерің қандай көркем.
2. Қазақтың Таловкасы туған жерім,  
Қарасаң көлі шабын, қыры егін.  
Тер төккен топырағың бізге қымбат,  
Өсірген сансыз ұрпақ құт мекенім.
3. Казталовка көркейе түс гүлдене бер,  
Жарқырап жауқазындай түрлене бер.  
Құрметтеп қастерлейді ұл-қыздарың,  
Арнаған өлең-жырың төгілдірер.



## Бауырым, жүрегімсің Казталовка

сөзі Аманкелді Шахиндікі


әні Әділбек Сүлейменовтікі



## Қайыңды вальсі

сөзі: Асылай Айжарихованікі

әні: Нұрлан Нығметовтікі





Асылай Қадырқызы (Сейтқалиева) Айжарихова – (3.11.1966 ж.т., Казталовка ауданы, Қайыңды ауылы). 1984-1989 жылдары Алматыдағы Қазақ мемлекеттік ұлттық университетінің журналистика факультетін күндізгі бөлімде бітірген. Университетті бітіргеннен кейін Батыс Қазақстан облысы Казталовка аудандық радио хабарларын ұйымдастыру бөлімінің меңгерушісі болып еңбек жолын бастаған. 12 жыл аудандық газетте тілші, жауапты хатшы болып қызмет істеген. Одан кейін Батыс Қазақстан облыстық «Орал өңірі» газетінде тілші, экономика бөлім меңгерушісі, 2007 жылдан Ақмола облыстық «Арқа ажары» газетінде тілші, мәдениет бөлімінің меңгерушісі, жауапты хатшының орынбасары. Бүгінде дауылпаз ақын, қоғам қайраткері Сәкен Сейфуллиннің «Тіршіліктен» басталған «Арқа ажары» газетінде жауапты хатшы қызметін абыроймен атқарып келеді. Әр жылдары түрлі шығармашылық байқаулардың жеңімпазы атанса, 2008 жылы Ақмола облыстық әкімі Альберт Раудың Алғыс хатына ие болса, одан кейінгі жылдары облыстық мәслихат пен облыстық ішкі саясат басқармасының, 2009 жылы Қазақстан Республикасы Ақпарат Министрлігінің Құрмет грамотасына ие болған. Өткен жылы Ақмола облыстық әкімі Сергей Кулагиннің Алғыс хаты табыс етілді. Қазақстан Журналистер одағының мүшесі.

## «Бауырым, жүрегімсің Казталовка»

сөзі жазған А. Шахин

әнін жазған Ә. Сүлейменов

1. Жайнаған жағасы нұр,  
Сарыөзен сағасы бұл.  
Ежелгі атамекен,  
Қазақтың даласы бұл.

Қайырмасы  
Сағындым сағымыңды,  
Жазира жазығымды.  
Ата жұрт қазығымды,  
Казталовка.  
Бабаның көзіндейсің,  
Жүректің сөзіндейсің.  
Көңілдің көгіндейсің,  
Казталовка.

2. Төрінде баба жүрген,  
Беркініп барады іргем.  
Келеді ұрпақ өсіп,  
Жарасып заманымен.

Қайырмасы  
Асылдың сынығындай,  
Қыранның тұғырындай.  
Шайқалмас тұнығымдай,  
Казталовка.  
Елдіктің тірегісің,  
Ел жұрттың тілегісің.  
Бауырым, жүрегімсің,  
Казталовка.



Бердіғалиев Хатимолла – (1952 ж.т., Казталов ауданында, Тереңкөл ауылы) – әнші, айтыскер ақын, сазгер. 1975 жылы еңбек жолын А.Оразбаева орта мектебінде мұғалім болып бастап, балалар бақшасының музыка жетекшісі, аудандық мәдениет үйінің әдіскері қызметтерін атқарған. 1991 жылы Орал қаласына Құрманғазы атындағы саз колледжіне ұстаздық қызметке ауысқан. 2007 жылдан бастап Ғарифолла Құрманғалиев атындағы облыстық филармонияның әншісі. Репертуарында қазақтың үш жүзден астам халық әндері, Бұхар, Базар, Қашаған жыраулардың терме жырлары, Мұхиттың, Ғарифолланың, халық композиторларының әндері бар. 1991 жылы Құрманғазы атындағы саз колледжінде алғаш Мұхит класын ашты. Қазақ радиосының алтын қорында Х.Бердіғалиевтің өнері туралы хабар және «Ел продюссерлік орталығында» жазылған 83 әні сақталған.

Қазақстан Республикасы Президентінің қолдауымен Мәдениет Министрлігі шығарған «1000 ән» дискісінде 10 әні енгізілген.

1989 жылы «Қазақстанның еңбек сіңірген мәдениет қызметкері» атағын иеленді. 2011 жылы «Қазақстанның еңбек сіңірген қайраткері» құрметті атағына ие болды.



Шәмелов Тұякберді Қажыгерейұлы (6.09.1951 ж.т., Жаңақала ауданы Құрманғазы ауылы) – домбырашы, күйші, Қазақстанның халық артисі. 1983 жылы Алматы консерваториясын (қазіргі Қазақ ұлттық консерваториясы) бітірді. 1970 жылдан Қазақ академиялық халық аспаптары оркестрі құрамында домбырашы, концертмейстер

және жеке орындаушы ретінде қызмет етеді. Оның орындаушылық репертуарынан қазақ халық композиторларының (Абыл, Дәулеткерей, Дина, Құрманғазы, Мәмен, Сейтек, Тәттімбет, т.б.) күйлері мол орын алды. Шәмелов бірнеше ән-күйлердің авторы. Гастрольдік сапармен шет елдерде (Ауғанстан, Италия, Корея, Қытай, Португалия, Франция, т.б.) болып өнер көрсетті. Құрманғазы атындағы І-республикалық орындаушылар байқауының лауреаты.

## «Көктерегім»

сөзін жазған Д. Мұштанова

әнін жазған Б. Қабиева

1. Аймалап күннің нұры көктен өткен,  
Ақшуақ шашылыпты Көктеректен.  
Сарөзен сағасынан сая тауып,  
Күйлерін Құрманғазы төкпелеткен.

### Қайырмасы

Ол менің Көктерегім, Көктерегім,  
Саянда балаусадай көктеп едім.  
Бантiктi балалықтың белгiсiндей,  
Жанымды желпiтсiншi көк терегiң.

2. Есімде қоңыр кештің самалдары,  
Тамылжып тамсанады таң алдағы.  
Қырындағы қол бұлғайды жастық шақтың,  
Қызғалдақ тұнып қалған аралдары.

### Қайырмасы

Ол менің Көктерегім, Көктерегім,  
Саянда балаусадай көктеп едім.  
Бантiктi балалықтың белгiсiндей,  
Жанымды желпiтсiншi көк терегiң.

3. Ол менің Көктерегім, Көктерегім,  
Көкейге Көктерек деп от беремін.  
Төрінде жүрегімнің сен тұрғанда,  
Басқаның не қылайын Көктерегін.

## «Көктерек вальсі»

сөзін жазған Т. Сейткереев

әнін жазған Н. Құбиев

1. Бабамның күйі әуелеп қалқып,  
Іздері жатқан жер.  
Ата – анам өсіп, еңбекпен шалқып,  
Атағы артқан жер.

### Қайырмасы

Жүректе мәңгі,  
Атың бар сәнді.  
Көктерегіме – арнадым әнді.  
Көркейткен көркін көп терек,  
Ауылым – Көктерек.

2. Сарыөзеніңе шомылған қандай,  
Бір жасап сейілді.  
Шұрайлы жерің, суың ас балдай,  
Адамың пейілді.

### Қайырмасы

Жүректе мәңгі,  
Атың бар сәнді.  
Көктерегіме – арнадым әнді.  
Көркейткен көркін көп терек,  
Ауылым – Көктерек.

3. Топырақ осы өткендер үшін,  
Төселген торқа боп.  
Туған жер дәйім дәрежең, күшің,  
Тұрмасын орта боп.

## Казталовкам бапкер ел

сөзі Хатимолла Бердіғалиевтікі

әні Тұяқберді Шамеловтікі

Кө - гін - де сам - ғап ар - ман ән ба - ба - лыр гүр - пын жал - ға -  
Көк ор - ай шал - ғын тө - гіл - ген Көк май - са жа - сыл кө - лің -

ған. Ға - сыр - дан ға - сырауы - сың сан сыр - ды түй - ген сары - да -  
нен. Каз - та - лов а - сыланам - сың сыр шерт - кен са - мал желің -

лан. Сен ме - нің ас - қақ даусым - сың ше - жі -  
нен.

рең қай - дан таусыл - сын. ба - бам - нан қал - ған барым - сың ба - ла -

ма же - тер балсыр - сын. Ба - бам - нан қал - ған барым - сын, ба - ла -

ма же - тер балсыр - сын. Сен - ме - нің ас - қақ даусым -

сын, ше - жі - рең қай - дан таусыл - сын ба - бам - нан қал - ған бар - ым сын

ба - ла - ма же - тер бал сырсың бал - сыр - сын

## «Казталовкам бапкер ел»

сөзін жазған Х. Бердіғалиев

әнін жазған Т. Шамелов

1. Көгінде самғап арман ән  
Бабалар ғұрпын жалғаған  
Ғасырдан ғасыр ауысып  
Сан сырды түйген сары далаң  
Көкорай шалғын төгілген  
Көкмайса жасыл көліңнен  
Казталов асыл анамсың  
Сыр шерткен самал желіңнен

Қайырмасы  
Сен менің асқақ дауысымсың  
Шежірең қайдан таусылсын  
Бабамнан қалған барымсың  
Балама жетер бал сырын

2. Ай күнің күліп көгіңнен  
Шапағат нұры төгілген  
Далаңның сәні қос өзен  
Қос құрбым болып өрілген  
Алмастай өткір жарқылдар  
Ежелден қалған салтың бар  
Казталов құтты мекенім  
Жігерлі жомарт халқың бар
3. Өтседе жылжып жыл сағым  
Өркендей өскен ұрпағың  
Өнерлі бапкер елімсің  
Тарихқа қосқан тұлпарын  
Гүлденген өмір бақшасын  
Өркеннің өскен нақ басы  
Зорая берсін мәртебен  
Батыстың берік қақпасы



Сейткереев Төлеген – (10.12.1941 – 25.04.2013 ж. Казталов ауданы Көктерек ауылы). 1949-1959 жылдары Көктерек жеті жылдық, Жұлдыз орта мектептерінің оқушысы. 1959-1964 жылдары Орал педагогикалық институты физика-математика факультетінің студенті. Студент кезінде облыстық жеңіл атлетикадан облыс чемпионы болған, дөйбыдан да жеңімпаз. 1964-2004 жылдары Көктерек орта мектебінің математика және сызу пәндерінің мұғалімі. 2005

жылдан Қазақстан Республикасы Журналистер Одағының мүшесі. 1977 жылы «Қазақстанның халық ағарту ісінің озық қызметкері» төсбелгісімен 1987 жылы «Қазақстан Республикасына еңбегі сіңген мұғалімі» құрметті атағының иегері. 2001 жылы «Қазақстан Республикасының Тәуелсіздігіне 10 жыл» және 2011 жылы «Қазақстан Республикасының Тәуелсіздігіне 20 жыл» мерекелік медальдарымен марапатталған. 2013 жылдың 25 сәуірінде дүниеден озды.



Құбиев Нұрлан Рауұлы – (14.03.1965 – 30.06.2002 ж. Казталов ауданы, Көктерек ауылы) – сазгер. 1972-1982 жылдары Көктерек орта мектебінің оқушысы, 1983-1986 жылдары Отан алдындағы борышын әскери теңіз флотында өткеріп, келгеннен соң шаруашылықта шофер болып жұмыс жасады.

Кейіннен М.Өтемісов атындағы Университетте сырттай оқып, Көктерек мәдениет үйінің меңгерушісі, Көктерек ОЖББМ дене тәрбиесі пәнінің мұғалімі болып еңбек етті. «Көктерек вальсі», «Ағаға лебіз», «Кездесу әні» деген әндердің музыкасын жазды. 2002 жылдың 30 маусымы күні тосын аурудан мезгілсіз дүниеден озды.

# **Ән-жырым, саған туған жер!**

Жергілікті ақын, сазгерлердің әндер жинағы

2017 жыл.



## **Алғы сөз**

Елбасы Нұрсұлтан Әбішұлы Назарбаевтың «Болашаққа бағдар: рухани жаңғыру» деп аталатын бағдарламалық мақаласында айтылып, алға қойылған міндеттер мен тапсырмалардың нақты жүзеге асып, халық арасында кеңінен қолдау тауып жатқанының куәсі болып отырмыз. Елбасымыз атап өткендей бүгінгі тәуелсіз елдің жарқын болашағын жасап жатырған сан мың жылдардан бері қалыптасқан ұлттық құндылық пен рухани бай мұраның бірден-бір сақтаушылары және жалғастырушыларымыз.

«Туған жер» деген кезде әрбір азаматтың, әрбір адамның жүрегінде тулаған шабыт пен сезім ұялайтыны анық. Себебі адам өзінің туған жерінің төлі. Сол даланың, сол жердің, сол мекеннің меншігі. Туған жерге деген сезім мен махаббатың өлшемі шектеулі болмайды. Ол шексіз. Соның бір айғағындай ауданымыздан шыққан ақындар мен сазгерлердің туған жеріне арнап шығарған шығармаларын кітап етіп шығаруды мақсат еттік. Ақын мен сазгер тығыз шығармашылық байланыс орнатқанда ғана ел құлағында мәңгілік жатталып қалады.

...Көгінде самғап арман ән,

Бабалар ғұрпын жалғаған.

Ғасырдан ғасыр ауысып,

Сан сырды түйген сар далаң... – деп тек ауданымыздың ғана емес, еліміздің Қатимолласы, Тұяқбердісі болған шын талант иелері туған жерге арнап жүректерінен жарып шыққан ән-жырларын арнады. Бұл топтамада жергілікті әнші-сазгерлердің мамандықтары әртүрлі болса да олардың туған жерге деген патриоттық сезімдері буырқаныспен ән болып төгілді. Ал бұл ән-жырлар өскелең ұрпақтың өздерінің ата-бабаларының қасиетті қонысын анағұрлым терең түсінуіне одан әрі жол ашады деп санаймын.

Сондықтан бұл еңбек қос өзен елінің ортасындағы халықтың рухани қазынасы айналсын деген тілегімді жеткіземін.

**Аудан әкімі:**

**Абат Шыныбеков**



**Ән-жырым, саған туған жер!**